

Ciet Lijyouz Vwnzva Danh·Nanzdanh:

Baijyienj Gij Feihvuzciz Vwnzva Yizcanj Lai Cungj Lai Yiengh

展示多姿多彩非物质文化遗产的南丹·丹文化旅游节

□ 符龙强 韦乐 ingj Sinhyungz hoiz



▲ Go foux fungcingz Bwz-guyauz, dem angq dem nauh vunz cix haenh. 符龙强 ingj

▲ Boq hauh coux hek daengz, angqfaengz caez gvaq ciet. 符龙强 ingj

◀ Sau Cuengh yienj dwklongj, ngoenzciet engq angqyangz. 符龙强 ingj



▲ Mehmbwk Bouxcuengh yienj gienzfwen, sing hemq haprwenz deih saengdaenh. 符龙强 ingj



▲ Mbausau sim' angq lai, caez hwnj daiz diuq foux. 韦乐 ingj



▲ Sau Cuengh angq diuq foux haizgieg, yawj dwk bouxhek caemh siengj sawq. 符龙强 ingj

3 nyied 17-19 hauh, 2014 Ciet Lijyouz Vwnzva Danh·Nanzdanh hoenghhdw banh ndei. Gyoengq vunz lai saujsu minzcuz dangdieg gag yienj gag angq doxcomz dwk baijyienj gij vwnzva fungcingz ndangdaenj gyaendei Bwzguyauz、Bwzguyauz raemj vaiz cuengqcaeq、fouxnyenz、fouxfaexlingz nem vwnzva caemzgvej、vwnzva yienjvuj Bouxcuengh, yinx gyoengq hekyouz camgya haeuj ndaw hozdung bae dem angq; doengzseiz lij banh ndei yienghnduj minzcuz fungcingz youz caeuq cwxcailh youz hozdung, hawj gyoengq hekyouz youq ngoenzciet ndaej roxyiuj gij vwnzva fungsug daegsaek minzcuz dangdieg caeuq yawjgonz gij gingj lajmbanj gyaendei lumj veh haenx, angqyangz dangqmaz.

Baijyienj feihvuzciz vwnzva yizcanj, dwg baez ciet neix hangh neiyungz youqgaenj ndeu, mbat baijyienj neix faen guh gwnz daizheiq baijyienj caeuq byaij gai baijyienj song bouhfaenh. Gwnz daizheiq baijyienj le ndangdaenj Bwzguyauz ndaej lied haeuj guekgya gaep feihvuzciz vwnzva yizcanj baujhoh mingzloeg neix caeuq gofoux Myauzcu 《Gyongmyauz Angqyangz》、gofoux Bouxcuengh 《Haizgieg Doxdax》、gofoux Bwzguyauz 《Ginzcwz Gwzlah》(Vahyauz yaemhoiz, eiqsei dwg “hoenx lingzgeq”) ndaej lied haeuj swcigih gaep feihvuzciz vwnzva yizcanj baujhoh mingzloeg neix daengj neiyungz; byaij gai baijyienj cix miz fouxgoepgvej、dwklongj、fouxfaexlingz、fouxfaexraiz、ndangdaenj Myauzcu Suijcu daengj, hawj vunz lai ndaej yawj mbat gaeuq ndeu.

Nanzdanh Yen dieg youq baihsaebaek Guengjsae raeuz, ndaej heuhguh “singzsis Cungguk” caeuq “diegndei lauxhangz gvang-vuzyoz”, vanzlij ndaej heuhguh “ranzmbanj hakdoj cien bi Cungguk”、“ranzmbanj fouxhaizgieg Cungguk” dem, “ndangdaenj Bwzguyauz”、“yisuz aennyenz ndawbiengz Nanzdanh”、“Bouxcuengh caemz goepgvej” sam hangh neix ndaej lied haeuj guekgya gaep feihvuzciz vwnzva yizcanj baujhoh mingzloeg. “Danh vwnzva” dwg gij gyonjyoeb comzcw vwnzva ranghdieg Nanzdanh, baugvat vwnzva hakdoj gig miz yingyangj haenx、vwnzva fungsug minzcuz lai cungj lai yiengh haenx、vwnzva miz gvang lai okmingz haenx、vwnzva laeujhau ndaw gih rog gih mizmingz haenx caeuq vwnzva gunghyeiz hunglai ronghlwenq haenx.

Youq ndaw gyaiz Nanzdanh, miz Cuengh、Gun、Yauz、Myauz、Mauznanz、Suij、Mulaui daengj minzcuz comzyouq, gizneix gyoengq vunz simsoh simsienh gaenxgyaek, gij goekdaej vwnzva minzcuz laegli naekna. Ndaw yienh miz Bwzguyauz yaek rim 3 fanh vunz, ndaej Lenzhozgoz Gohgyau Vwnzvei Cujciz beij guh “vaqsig lamqlw vwnzmingz vunzloih”, gij vwnzva aennyenz、vwnzva aeu bawx haq lwg、vwnzva dwklwgyangq、vwnzva ndangdaenj、vwnzva gofwen、vwnzva roengzcangq de lai cungj lai yiengh, ndaej beij baenz dwg duj va lengj ndaw ranz hung vwnzva Cunghvaz minzcuz ndeu; “cietyienjvuj sam nyied sam”、vwnzva goepgvej Bouxcuengh, ndangdaenj Myauzcu daengj gij vwnzva gig miz daegsaek neix, cix hawj vunz caenh siengj bae yawjyawj mbat ndeu.



▲ Ndangdaenj Bwzguyauz, dauqdaug cungj ndei yawj. 符龙强 ingj



▲ Ngoenzciet huq gai lai, caih bouxhek genj cawx. 韦乐 ingj



▲ Sau Myauzcu diuq foux, vunzraeuz yawj maez bae. 符龙强 ingj



▲ Gyoengq nyez baijyienj heiq ciuhgeq, vunzraeuz roxndeq bing-lanz ma. 符龙强 ingj